

LOKAL



melakaharini.my | melakaly.com



Cuaca panas: Elak pembakaran terbuka di Melaka

Norafiqah Jamal

PAYA RUMPUT - Orang ramai di negeri ini diingatkan supaya tidak melakukan pembakaran terbuka kerana ia merupakan satu kesalahan di bawah undang-undang selain berisiko mencetuskan kebakaran besar ketika cuaca panas dan berangin.

Exco Kanan Perumahan, Kerajaan Tempatan, Saliran, Perubahan Iklim dan Pengurusan Bencana negeri Datuk Rais Yasin berkata, tindakan tegas termasuk denda boleh dikenakan terhadap individu yang ingkar arahan terbabit.

Katanya, Jabatan Alam Sekitar (JAS) sebelum ini telah mengeluarkan perin-

gatan kepada orang ramai supaya mengelakkan sebarang aktiviti pembakaran terbuka berikutan keadaan cuaca tidak menentu ketika ini.

“Situasi cuaca tidak menentu ketika ini meningkatkan risiko api merebak dengan pantas, sekali gus mengancam keselamatan awam dan harta benda.

“Justeru, saya berharap seluruh rakyat Melaka supaya tidak melakukan pembakaran terbuka serta sentiasa mematuhi arahan pihak berkuasa,” katanya.

Beliau berkata demikian kepada pemberita ketika ditemui pada Majlis Rumah Terbuka Dewan Undangan Negeri (DUN) Paya Rumpit di perkarangan Sta-

dium Hang Jebat di sini, 22 Mac lalu.

Majlis itu turut diserikan lagi dengan kehadiran Yang di-Pertua Negeri, Tun Seri Setia Dr. Mohd Ali Mohd Rustam bersama isteri Toh Puan Datuk Wira Asmah Abd Rahman serta Ketua Menteri Datuk Seri Utama Ab Rauf Yusoh bersama Isteri Datin Seri Utama Datuk Wira Zuriyah Abd Aziz.

Hadir sama, Speaker Dewan Undangan Negeri (DUN) Datuk Wira Ibrahim Durum; Setiausaha Kerajaan Negeri Datuk Wira Azhar Arshad serta barisan Exco dan Timbalan Exco Kerajaan Negeri.

Mengulas lanjut, Rais yang juga Ahli Dewan Un-



RAIS mengiringi Ab Rauf mengacau dodol pada Majlis Rumah Terbuka DUN Paya Rumpit di perkarangan Stadium Hang Jebat. Foto Rais Yasin

dangan Negeri (Adun) Paya Rumpit berkata, Kerajaan Negeri bersama jabatan serta agensi berkaitan sentiasa bersiap siaga menghadapi kemungkinan seperti

musim kemarau, selain terus memantau keadaan semasa bagi memastikan keselamatan rakyat terjamin.

“Saya yakin semua pihak sudah diingatkan su-

paya bersedia menghadapi sebarang kemungkinan, namun kita juga berdoa supaya Melaka sentiasa berada dalam keadaan sejahtera,” katanya.